

## ՀԱՇՎԵՏՎՈՒԹՅՈՒՆ

2018թ. հոկտեմբերի 8-ից 10-ը Լյուքսեմբուրգ (Լյուքսեմբուրգի Մեծ Դքսություն)՝  
բնապահականության նախարար Էրիկ Գրիգորյանի գործուղման վերաբերյալ

### 1. ԳՈՐԾՈՂՎԱԾ ԱՆՁ

Էրիկ Գրիգորյան

### 2. ԶԲԱՂԵՑՐԱԾ ՊԱՇՏՈՆԸ

Բնապահականության նախարար

### 3. ԳՈՐԾՈՂՄԱՆ ՎԱՅՐԸ ԵՎ ԺԱՄԿԵՏԸ

Լյուքսեմբուրգ (Լյուքսեմբուրգի Մեծ Դքսություն)

2018թ. հոկտեմբերի 8-ից 10-ը

### 4. ՀՐԱՎԻՐՈՂ ԿՈՂՄԸ

Ավստրիայի Դաշնային Հանրապետության Կայունության և զբոսաշրջության  
նախարարություն

### 5. ԳՈՐԾՈՂՄԱՆ ՆՊԱՏԱԿԸ

Բնապահականության և կլիմայի փոփոխության հարցերով Արևելյան  
գործընկերության նախարարական երկրորդ հանդիպում

### 6. ՔՆՆԱՐԿՎԱԾ ԹԵՄԱՆԵՐԸ, ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐ

Արևելյան գործընկերությունը ԵՄ-ի և Արևելյան հարևանության վեց  
երկրների միջև համագործակցության շրջանակն է. Հայաստան, Ադրբեջան,  
Բելառուս, Վրաստան, Մոլդովա, Ուկրաինա: Արևելյան գործընկերության  
երկրների շրջակա միջավայրի և կլիմայի փոփոխության շրջանակներում  
աջակցության տրամադրումը ռազմավարական նշանակություն ունի ԵՄ-ի  
համար՝ հատկապես ԵՄ-ի ներսում նպատակներին հասնելու և գործընկեր  
երկրներում քաղաքացիների կյանքի որակի բարելավման համար:

Բնապահականության և կլիմայի փոփոխության հարցերով Արևելյան  
գործընկերության նախարարական երկրորդ հանդիպումը կայացավ ԵՄ  
խորհրդում Ավստրիայի նախագահության ներքո, որը հարթակ հանդիսացավ  
շրջակա միջավայրի և կլիմայի փոփոխության ոլորտում հետագա  
համագործակցության ամրապնդման համար:

Հանդիպման ընթացքում քննարկումներ անցկացվեցին հետևյալ հարցերի  
շուրջ.

- Քաղաքականության ի՞նչ միջոցներ են անհրաժեշտ թափոնների  
կառավարման կայուն համակարգի հիերարխիան իրականացնելու համար,  
այդ թվում, մասնավոր հատվածի ներդրումների առավել արդյունավետ  
մոբիլիզացման համար՝ աջակցելու շրջանաձև տնտեսություն անցնելուն՝  
համաձայն երկրի հատուկ իրավիճակի:

- Որո՞նք են երկրի բնապահպանական ոլորտի և կլիմայի գործողությունների հիմնական առաջնահերթությունները՝ ԵՄ կամ այլ պետական միջոցների ներգրավման համար:

Հանդիպման ընթացքում յուրաքանչյուր երկիր ներկայացրեց կլիմայի փոփոխության հետևանքով առաջացող խնդիրները, քննարկվեցին հնարավոր միջոցները առաջացող խնդիրների լուծման և խոչընդոտների հաղթահարման համար, ինչպես նաև երկրի կլիմայի փոփոխության հետ կապված կարիքները և ֆինանսական խնդիրները:

Բարձրաստիճան հատվածի հանդիպումը կենտրոնացած էր այն հանգամանքի վրա, թե ինչպես նպաստել կլիմայի կայուն զարգացմանը տարածաշրջաններում, ուսումնասիրել պլանավորումից մինչև իրականացում ուղիները, ֆինանսական աջակցության հարցերը:

Հանդիպումը առավոտյան նիստին անդրադարձ կատարվեց բնապահպանական խնդիրներին, ինչպես նաև քննարկվեցին Արևելյան գործընկերության տարածաշրջանի բնապահպանական և Կլիմայի քաղաքականության առաջնահերթությունները: Կեսօրվա նիստին քննարկվեցին Կլիմայի փոփոխության հիմնախնդիրները:

## **7. ԵՐԿՎՈՂՄ ՀԱՆԴԻՊՈՒՄՆԵՐ**

Երկկողմ հանդիպում են ունեցել Եվրոպական Հանձնաժողովի շրջակա միջավայրի, ձկնորսության և ծովային հարցերով հանձնակատար պարոն Կարմենու Վելլայի հետ: Հանդիպման ընթացքում քննարկվեցին երկկողմ համագործակցության շրջանակները, կլիմայի փոփոխության ռիսկերը, առաջնահերթություններն, առկա խնդիրների լուծմանն ուղղված քայլերն, ինչպես նաև ներդրումների վերաբերյալ հարցերը:

## **8. ՁԵՌՔ ԲԵՐՎԱԾ ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԺԱՄԿԵՏՆԵՐԸ, ԱՌԱՋԱՐԿՈՒԹՅՈՒՆՆԵՐԸ**

Նախարարական հանդիպման արդյունքը հիմք հանդիսացավ Բնապահպանության և կլիմայի փոփոխության հարցերով Արևելյան գործընկերության հոչակագրով ստանձնած պարտավորությունների կատարմանը, 2017թ. նոյեմբերին «Արևելյան գործընկերության» գազաթնաժողովի ժամանակ ընդունված հոչակագրի շրջանակներում համագործակցության առաջնահերթություններին, ինչպես նաև «2020թ. 20 Գործնական Արդյունքներ»-ին:

Հանդիպման ընթացքում անդրադարձ կատարվեց Բնապահպանության և կլիմայի փոփոխության հարցերով Արևելյան գործընկերության հոչակագրի նպատակներին: Բնապահպանության և կլիմայի փոփոխության հարցերով Արևելյան գործընկերության (ԱԷԳ) նախարարական երկրորդ հանդիպման արդյունքում Ավստրիայի նախագահությունն ընդունեց Նախագահական եզրակացությունը:

Հանդիպման արդյունքը համագործակցության հետագա խթանումն է և միասնական ջանքերով 2016թ. դեկտեմբերի իրագործման, շրջակա միջավայրի, կլիմայի փոփոխության, շրջանաձև տնտեսության և թափոնների

կառավարման ոլորտում արդյունավետ և թիրախային միջոցառումների շարունակությունը:

Հետագայում ԵՄ-ն կաջակցի Արևելյան Գործընկերության երկրներին տնտեսության արդիականացման հարցում՝ կենտրոնանալով շրջակա միջավայրի, շրջանաձև տնտեսության և կլիմայի գործողությունների վրա, որոնք ուղղված են արտանետումների կրճատմանը: Վերջիններս կիրականացվեն ԵՄ-ի կողմից ֆինանսավորվող նոր «EU4 Environment» և «EU4 Climate» ծրագրերի միջոցով: «EU4 Environment» ծրագիրը (19,5 մլն եվրո Եվրամիության ֆինանսավորմամբ) նպատակ ունի օգնել Արևելյան գործընկերության երկրներին պահպանել իրենց բնական կապիտալը և բարձրացնել հասարակության կողմից շրջակա միջավայրի պահպանումը: «EU4 Climate» ծրագիրը (8 միլիոն եվրո Եվրամիության ֆինանսավորմամբ) նպատակ ունի աջակցել Փարիզի Կլիմայի Համաձայնագրի իրականացմանը և բարելավել կլիմայի քաղաքականությունը և օրենսդրությունը:

10/16/2018

X



Բնապահպանության նախարար Signed by: Ekeng CJSC

Էրիկ Գրիգորյան